

民國
適用
酬應
全書

埽葉山房發行





國家圖書館

由國家圖書館典藏



002940431

民國 適用 酬應全書卷十二

45 唱歌詩

國慶紀念歌

惟吾中華民國。成立於今五年。進步無前。奄有廿二行省。並極蒙回藏邊。五族階級胥泯。熙皞同天。

亞洲東南大國。易專制為共和。康樂同歌。地最大物最博。全球似我無多。大家盡力保守。錦繡山河。

小學聯合運動會歌

快著祖生鞭。國民資格須健全。聯合數十校。黃花匝地碧雲天。民資格須健全。黃花匝地碧雲天。

荼火軍容。氣象萬千。方舞圓旋。民國英雄出少年。荼火軍容。氣象萬千。方舞圓旋。民國英雄出少年。(杭縣趙敏齋)

公共體育場開幕歌

競爭世界中。強國宜強種。天演淘汰最可痛。多士能先覺。歌浦早開通。社會體

民國州應全書 卷十二 一 帚葉山 房

856.6
800=4
7



101665 28

育從茲重。願我青年。祈我國人。力圖優勝。各奮勇。誓必使我中華民國五色國旗振亞東。

南通師範學校運動會歌

春風和。上巳過。雜花妝林。草蓋坡。校場蕩蕩。旂影漾晴波。學子欣欣。連袂蹈且歌。不延修禊。不張曳落河。振筋健軀。學有科。遊戲也。云何。

校紀念期。四月朔。校場草當年綠。年年草綠。年年春。當日諸生。今日宿。今年校會先期開。新草芊連。舊根續。後生駸駸。輩起春同育。藝事相摩。真可樂。永今朝三月綠。

詩一 投贈

贈王漱巖

胡韞玉

不見王摩詰。于今已兩年。市樓一日聚。話舊倍淒然。但有醇如酒。用如飲醇。醪故事。何妨屋似船。明朝便分手。珍重贈斯篇。

贈王子劍仙歸國

文 斐幻園

客中送客難為別。况復中原離亂年。萬里扶桑一浮雁。百年心事此歸船。媿餘

正氣歌信國。忍看登樓賦仲宣。西望故鄉狐鼠遍。澄清端賴出羣賢。

贈徐公孟

王葆楨

漱巖

落落徐公孟。青年多苦吟。湖山話春雨。人海見秋心。杜牧癡無夢。嵇康貧有琴。願言贈之子。珍重作元音。

贈樊先生時勛

蔣汝藻

伊古重小學。州里修庠黌。叢廩十室邑。時聞絃誦聲。禮教崇習俗。三代自恢宏。讀書非事業。囂囂叔季情。鄉校廢已久。歐化啟朝廷。士夫侈興學。功令要有程。不聞損鉅貲。養正集髫齡。男賢女亦淑。檢鄉不求名。光光樊夫子。貨殖媿簪纓。二師今有塾。三老古所榮。蛟門固名邦。鬱鬱起文明。所由善一國。賴多賢父兄。願播萬首詩。庶幾天下型。

民生實艱難。昭垂無逸文。須也願學校。托迹於聖門。郡望著南陽。明德請具論。遙遙西都末。粲粲樊君雲。平生好貨殖。行檢性復溫。禮敬若公家。三世長子孫。營理數童僕。利奪王侯尊。廣田三百頃。廬舍互長垣。重堂接高閣。陂渠灌郊園。二頃忿爭解。三老風俗敦。所以貲鉅萬。復有賢後昆。盜掠唐子鄉。赤眉慚其仁。

務本斯可立。榮勢非帝姻。景行千載上。典型今尚存。河陽大豪華。樂志徒放言。美哉署勤稼。心志清且純。願君宏家業。鄉閭受斯熏。聚斂奴虜耳。染綺實喪身。吁嗟逐末子。身喪甯足云。浮競竟一世。安事誠篤人。

世路無出處。何須管鮑交。投身為商人。利鈍視錢刀。道誼非所貴。由來非一朝。文明發詐偽。小人道益高。輸心若平生。隔面紛來嘲。都會雜五方。鬼域隨所遭。正直見君子。眾穢秀孤標。異苔托同岑。忘年期久要。挾持政有賴。滄海涉風濤。艱難幸遭遇。古道庶可昭。寄言今世士。才華謝爾曹。

幻盒從日本歸喜贈

劉謙約真

節旄落盡瓶無恙。華髮飄蕭淚有痕。松菊尚容偕婦隱。雞豚况幸逮親存。暫醒世夢田為海。澈悟前因怨亦恩。色相本來無住著。銅駝荆棘不須論。

贈張溥泉

陳去病巢南

與子十年別。相看各老蒼。論文餘感慨。多難罕文章。救世情逾切。共和願豈償。勞生知未已。何暇計耕桑。

贈安邱李夢漁時宦遊黔中

蔣同超萬里

瑯琊靈秀地。海岱鬱然青。正學思轅固。高風有管甯。江湖誰小隱。天地一新亭。傾蓋黔陽道。行吟悵獨醒。

贈駱邁南

傅專

未識賓王面。龔生為我言。燕雲達狂草。淚墨清新痕。時事那堪說。幽憂亦太寬。憑君撐巨眼。高處看中原。

贈李眉盒知事合肥

葉玉森

桂林之山天下無。瀟湘之水騷人居。飄然太白其仙乎。玲瓏玉佩而瓊琚。孝先腹笥羅五車。劉伶酒德傾百觚。高歌金石文典謨。往往氣挾風雷驅。斯人不出蒼生歟。鳳陽汝陰雙握符。以簡馭繁黃老徒。不擾而治囹圄虛。乾紐中絕掀皇輿。白旄一麾民其蘇。狐鳴篝火方負嵎。長淮以北無完膚。潁川虎虎來秉爰。狼狽揆揄凶當誅。鄴侯入幄龍韜摠。渴飲獐血揮鹿盧。么魔一一殲形珠。潜然頑梗非羌胡。仰天鬱伊常不紓。晉公右軍蓮幕俱。雅歌角逐相投壺。時予局促轉下駒。望之山斗神為俎。旋隨噉雁奔龍舒。夏羹遺烈三堰蕪。惡蛟毒蛟橫流痛。歸來手獻監門圖。侯已墨綬遊古廬。使君還我蒼赤呼。河陽花好迎旌旗。太守

之堂猶懸魚。賤子亦乘牛。渚湄西江寒。月中天孤憤。王墓草紅且枯。神飄破壁
驚暗鳴。數錢姹女慚。故吾躊躇竭澤難。為漁一身乃作民。怨郭奮飛不得空。嗟
吁雪鬢老子城北徐。口述侯烈殷詔予。曰侯循吏兼名儒。橫簪佩組心江湖。且
持尺牘云侯書。明農教稼通溝渠。治標莫若清萑苻。大言炎炎箴當塗。毋使一
阜牛驥胥。讀之起舞如靈巫。方今龍血紅模糊。金銀宮闕傷邱墟。滔滔禍水神
州輸。諸天醉夢哀中樞。大厦岌業疇為扶。使侯矯首驤龍衢。當陳三策追江都。
作詩務實焉用諛。寸心聊以伸區區。安得飛渡肥水艦。與侯上下商烈濡。雷門
布鼓枉援桴。酒酣叩缶歌烏烏。

贈日本駐湘三井洋行執事森恪敬之

李壽銓 勁臣

相逢欣握手。豪氣滿樽前。眼界空千古。心交已半年。都如萍水迹。共叙菊花天。
對酒談東俠。予懷為渺然。

贈沈子良維驥

徐公浦

自昔文名重。公卿倒屣迎。十年閑冷署。一派衍桐城。風雨同心侶。江湖散髮行。
胥江風景好。相約共歸耕。

寄贈徐伯匡慎侯昆玉

戴喟庵

見說元方埒季方。歸然魯殿奉靈光。珠璣各自傳清節。梨棗相依襲舊芳。酒琰詩瓢尋活計。芒鞋竹杖認行藏。若將宦味論今昔。首宿盤飧冷亦香。

章君靜軒歸為其父八十壽詩以贈之

善餘

有子稱清鳳。乘槎渡北溟。艱時新講武。儒將舊通經。江海贍鴻烈。淵源本鯉庭。使君珍重意。歸慰老人星。

詩二送別

送孫龍尾赴鄂

龐樹松獨笑

祖帳青門白日陰。天涯烟景未銷沉。驪歌一闋隨春動。鶴去千年引夢尋。猿鳥故山聞有約。風花歧路各沾巾。一尊留得滄桑影。辛苦平生誓此心。

送紀宣開鑛永州

鄭澤叔容

送子巖阿去。應留空谷音。貧邦懷楚寶。山國重南金。但藉五丁力。猶厭萬眾心。知君倍珍重。探入白雲深。

送王厚齋之雲南

汪洋子實

適用西廂記卷十二
數年相慕不相識。纔得相逢又別離。始信江湖多遇合。莫將黍菽誤年時。鼓山
寒月催歸思。馬尾清流浣淚絲。却笑一天風雨急。有人鷓蚌正相持。

送李生孟賈留學美利堅

黃瀾定禪

春江五月黃梅雨。又唱驪歌送遠行。入握蛇珠欣滿把。起看鷗鳥若為情。星精
倚馬憂天墜。日馭揮戈上地平。吾道不孤東去也。有人碧海掣長鯨。
少年便識佉盧字。弱冠能傳種樹書。子劍摩抄方出沒。我環汝爾始居諸。懸知
共乘多賢達。遮莫先驅到望舒。此去金門看夜月。清光兩地照蟾蜍。

送李石年張慕先入京

劉謙約真

陣雲寥廓雁聲道。兩戒憑窺此壯遊。早許秋風教憶鱸。便應仙侶羨同舟。悲歌
自古憐屠狗。板蕩何心笑沐猴。共幸照人秦月在。膽肝千里托吳鉤。

送高吹萬姚石子還松江

王葆楨

梅雨霏霏傲晚晴。新詩載出武林城。人當欲別還留約。酒本無情況送行。買棹
偶乘鴛漲暖。還山同輓鹿車輕。憑誰翦取吳淞水。慰我相思第一程。

送葉楚倉入燕

沈礪道非

賦別文通欲斷魂。中華月旦共誰論。海山荒濶風雲變。林薄啁啾燕雀喧。當局
舉棋心未定。出門仗劍氣先吞。何須攀折陽關柳。綠酒盈壺緩緩溫。
長安文物今何似。漫說斯鄉不易居。督亢新圖披玩後。望諸遺塚嘯歌餘。滿城
風雨添詩興。廣陌塵沙撲袖徐。料得此遊增麈屑。探幽選勝滯巾車。

送邵次公之日本

王葆楨

錢塘生春水。嚴瀨下孤舟。書劍東南客。風雲西北愁。呼天同一醉。入世等於囚。
便欲扶桑去。相隨狎浪鷗。

送金一之湘

余壽頤

怕走金華道。湖湘此壯行。嶺雲逃隴過。江路溯川平。人迹往時杳。山光入夏明。
倘關憂樂計。何以起蒼生。

送小柳兼懷津門諸友

汪洋

滬江春水愁如許。又送離人事北征。簫鼓一庭牽舊恨。頭顱千載誤虛名。津沽
老伴欣無恙。湖海狂生忒有情。為問菊花安適否。夜涼莫漫舞衣輕。

友人劉競生續學保定詩以送之

李光少華

新亭舊院夜模糊。君太飄零我太孤。縞紵慣交屠狗客。樗蒲忍逐牧猪奴。千秋人物談燕趙。萬劫河山吊越吳。意氣飛揚身手好。勉之行矣莫躊躇。道路艱難阻且長。探丸擊劍少年場。狂奴未肯誇三戶。猛士猶能守四方。收拾邯鄲新枕席。摩挲豐沛舊壺觴。玉關風雨金閨夜。不夢漁陽夢保陽。

送柳亞子歸里

沈鈞半峰

共醉杭州酒。爭傳柳子詞。同車人似玉。入座鬢成絲。爾汝論文別。雲山結社遲。知音久寥濶。愁絕贈將離。

送汝川歸皖

汪洋

聞道純鱸美。秋風送客歸。驚心成小別。握手已相違。墨翟悲絲染。淵明識昨非。辭官應是福。朋輩總依依。

送克安之京和靜仁先生韻

前人

送客河梁憐小別。蒼霞洲畔月輪高。淒涼野色迷三縣。憔悴年時上二毛。並世交情誰落落。遺生文酒得陶陶。臨歧不作辛酸語。且和新詩寫薛濤。

送程梅卿之溧水檢察官任

謝治盦

君家陽羨古名邦。湖海才人氣未降。佳句爭傳楊柳岸。新詩低唱木蘭艘。鄉關桑柘初成舞。客夢櫻花欲墜窗。此去一行看作吏。未容高隱鹿門龐。雙星今夕話相思。獵獵秋風動客旗。喬梓賢聲霏遠塞。川黔遊蹟富新詞。賞心預訂黃華約。揮手頻驚白馬嘶。人事勿忙天不管。却教門外雨如絲。

詩三祝賀

六橋師旬日間得子抱孫賦詩奉賀

梁載熊

弧矢懸門喜叠臻。瑞榴堂上太和春。一陽淑氣迎雙鳳。兩葉祥光啟二麟。觸氏老夫憐少子。韓公家嫂比慈親。聯翩騏驥追隨至。前後嘉占祇隔旬。

恭忱文學本齊名。家有傳書擁百城。戲綵好攜孫共舞。含飴莫惹子相爭。脚腰最羨公真健。眉目當如叔並清。詩學夏侯分大小。箕裘兩代紹恩榮。

五株玉樹宜男弟。一朵琪花長女昆。猿叟作翁如作祖。鰈翁生子先生孫。早知羣定光陳族。預卜周能大李門。湯餅盛筵同日集。婦姑萋室笑顏溫。

弟子彭宣白髮疏。後堂重喜拜聞餘。六經鴻秘堪分授。三代韶榮好共居。仲郢途中還拱笏。僧虔座右定傳書。竹林他日成佳話。咸籍同庚古不如。

劉君翰怡新居落成賀之以詩

白 炎 中壘

略似移家住漢東。杜陵廣廈又逢公。吳淞翦水分春半。營室占星考定中人解。
歌詩頌張老。我慙賃廡作梁鴻。絕勝時竹栽花地。一幅荆關畫稿同。
卜居到此遠囂塵。世外桃源別貯春。喬木新陰鶯出谷。杏花微雨燕窺人。吹藜
照席邀仙客。引草當門謝俗賓。攜得筆牀茶竈好。壺天著箇苦吟身。

賀陸潤瑜世兄合卺

李方滌 東野

之子于歸百兩將。江東舊族本相當。鴛鴦儔早識三生定。鳳卜應歌五世昌。玉茗
堂迎仙眷屬。鏤金箱貯嫁衣裳。南屏黛色青如許。付與蘭閨試曉妝。
杭滬迢迢一水分。天生鸞鳳自為羣。綵輿爭看人如玉。珠履紛趨客似雲。顧步
常搖翡翠珮。整妝微斂石榴裙。舅姑見罷渾無語。花影簾櫳日又曛。
綴耳明璫有寶光。華堂簇簇擁新妝。會看瓊樹棲雙燕。省識蓮花似六郎。銀燭
漸移開扇影。羅幃乍啟透衣香。名姝解誦雞鳴什。問夜何其夜未央。
翦淞樓閣瞰淞江。把酒聯吟氣未降。青玉案前人第一。芙蓉鏡裏影成雙。談兵
靜日開黃卷。讀畫深宵掩綠窗。待得西湖春意好。與郎同泛木蘭艫。

賀潤瑜世兄合卺即呈陸雲老

施贊唐 琴南

記曾雪夜訪懷安。名里攀鶴雲間共語寒。乍聽怒潮降白馬。又看吉曜駐紅鸞。七

襄聘賞天孫錦。八寶妝扶玉女鞍。剛值一陽生大陸。春光歡喜上眉端。

虎頭才技冠羣英。雛鳳聲逾老鳳清。繡幕良緣成合璧。幔亭仙樂下飛瓊。催妝

詩倚笙華黍。問膳儀修醴質明。想見德門餘慶厚。芝蘭玉樹倍光榮。

賀潤瑜宗世兄新婚

陸祥 甸孫

綺閣春隨葭管迴。笙歌催進合歡杯。陸郎自擅生花筆。謝女人推詠絮才。但使
文明能灌溉。不妨雨露共胚胎。陽和暗向梅梢展。莫靳紅芳幾點開。

賀陸潤瑜世兄新婚兼頌雲孫社長

曹曾涵 恂卿

翡翠巢珠林。鴛鴦戲蘭沼。君子賦好逑。淑女慕窈窕。仲冬月既望。團圓光正皎。
照此雙璧人。合卺訂偕老。公子本美才。雋黌列上考。多文懷瑾瑜。妙繪披華藻。
新人來武林。鍾秀湖山好。定知一枝筆。畫出雙蛾姣。阿翁今北海。先德鬱林紹。
海濱陸地仙。園宅出塵表。結交雖未深。敦處重古道。屢飲公瑾醇。文社羣傾倒。
大雅藉扶輪。騷壇賴障堡。向平初願償。嘉禮延賓侶。同人致賀詞。下走敢呈稿。

頌君瓜瓞綿明歲麟孫抱

賀陸潤瑜世兄新婚即呈雲孫先生

高 紳 太癡

生兒貴及早。好作黑頭翁。可喜陸夫子。強仕年初逢。乃如燕山竇。五桂承華宗。長君未弱冠。家學淵源通。飽讀中西書。丹青亦復工。樂安有嬌女。四德交推崇。門第適相當。豈曰蘿施松。兩美必作合。人願天先從。迨吉具嘉禮。雁鳴聲雖雖。歡溢庭堂內。曲奏閨房中。眾賓紛致賀。贊歎何雍容。賤子叨執友。語不求雷同。人倫重夫婦。君父相始終。勗哉懷橘郎。慎勿趨時風。敬輿善建議。清獻嚴持躬。永偕賢內助。戒旦聽飛蟲。

賀陸雲孫社兄令嗣潤瑜世講新婚

王文濡 均卿

觥觥陸夫子。嶽嶽希社主。酒聖本詩仙。造詣參李杜。書學蘇長公。天矯不踰矩。小試入商場。聊與計研伍。義胆兼俠腸。肯學守錢虜。憤時晉伯倫。論事宋同父。濁世遺閒情。龍華築別塢。徵文萃同人。為憐嘔心苦。慨捐梨棗資。刊行新樂府。佳構一例收。去取無門戶。牛耳壯壇坫。羣彥樂鼓舞。家學有淵源。賢郎欣接武。森森蘭玉姿。焯掌力自努。新舊學溝通。深入達堂廡。偉抱欽熊熊。詩才詫虎虎。

癸丑之辜月。合卺滄江滸。新婦出名門。望族江東數。德容言工備。歌美到隣姥。
花好月剛圓。郎君畫眉嫵。賀客爛盈門。天上德星聚。鄒沈並未高。珠玉生咳吐。
盛會幸躬逢。賤子忝陪扈。猶憶識荊州。寒暑一易甫。酒樓一夕談。訂交深肺腑。
捉筆抒頌詞。班門敢弄斧。明年湯餅筵。英物爭快覩。老饕不擇言。餘勇猶可賈。

代賀怒剛舊將軍婚禮

雷昭性

十年鐵血作生涯。豈解天桃灼灼花。射虎北平嗟討虜。畫蛾東閣恰宜家。
夫人名梅
紅窗夢暖烽烟急。黔首聲懷水火加。容易將軍歌燕爾。戰場鞞鼓且休搗。

賀學呂納妾得官

繆鴻若 勿庵

典却朝衫買阿嬌。十年壯語話今宵。才人得志當成佛。黨籍風流漫解嘲。官閣
日長春似海。畫樓人靜態偏饒。遙知太守多清興。好待添香寫六朝。

賀仲權新婚

周斌 芷畦

樺燭洞房蓮。金樽敬綺筵。英雄本兒女。眷屬盡神仙。小傳眉公史。新詞玉茗篇。
新人名流應愧我。未助阮修錢。

繆藝風七十壽詩用香山睢陽九老圖體

瞿鴻璣

東林風概承宗衮。南極星輝射斗躔。今是早高陶令節。古稀初算絳人年。騎牛
氣識關前紫。夢鳳文成閣上玄。江左青箱編故事。吳中團扇畫行仙。觀書老眼
明。藜火駐景童顏壽。菊泉同社耆英推最長。商山園綺喜隨肩。

藝風世伯七十壽詩用香山詩體

吳士鑑

乾嘉學派中哀日。許鄭遺編獨抱餘。早向石渠成輯略。晚從白下訂叢書。伏生
入漢年將耄。神放藏山業不如。百宋網羅蒐叟富。五松咫尺李逵居。月泉結社
羣賢冠。浙水觀潮八月初。一老江東騫鶴髮。幅巾散髻坐林於。

壽藝風姻丈七十敬用自壽詩韻

惲毓齡

花開含笑草忘憂。一老能搗五百秋。鸞鷲文章蘇大手。蠹魚身世范長頭。五朝
名士原貞士。萬卷元鏤更宋鏤。坐擁書城過浩劫。薇甘蕨苦畔牢愁。

人師難得况經師。福祿從天罄百宜。南極神仙方曼倩。西都賓客鄭當時。大年

齊祝歌。皤髮先輩非輕笑。染髭劉禹錫詩近來時世輕上下雲龍逐東野。手斟

桂醕一攀追。

藝風先生七十壽詩

王仁東

最羨君身老不凋。風霜飽閱髮飄蕭。圖書坐擁論千古。金石重編訂六朝。耆宿
斗瞻曾侍坐。班聯階近忝同僚。松筠舊事猶堪記。宣武城南榨子橋。
瑣闥秋試記當年。冊載光陰迅逝川。我愧名心如止水。君曾健步似飛仙。海濱
猶見衣冠古。洛社同推齒德先。願祝南山無量壽。大椿八十再開筵。

藝風先生七十壽詩

沈曾植

書社萬有九千戶。南面百城聽自娛。老去健猶矜眼月。誤時思復得驪珠。石巖
祕發千年窟。冊府珍探四代儲。商榷文天祿。客更生宏覽。有誰如。
雞籠經館幾年留。又策溪藤狎海鷗。有酒徑須傾下若。說詩還與證中州。四朝
人海滄桑眼。八月潮聲天地秋。後策長恩前脈望。逍遙長適醉鄉遊。

桀定新編載五車。發潛彰隱儘虛徐。斯文再續名山壽。副墨長為雉誦儲。藏室
蓬萊真淨土。中黃太一護仙居。請看戰鼓臺城路。可有黃巾到鄭廬。

食氣何如食古宜。蕭然鶴髮列仙姿。伏生月表兼秦漢。商皓生涯在菌芝。談作
撫言皆逸史。譜成故物詔來茲。天狼孤矢都韜影。喜見明星照午時。

壽藝風姻丈七十敬用自壽詩韻

惲毓珂

翰林獨負客卿憂。回首京華爛熳秋。大筆淋漓燕國手。御爐紛郁鳳池頭。槐陰書目芸籤列。蕉葉詞心藹孔鏤。一卷名山堪壽世。呼兒進酒欲消愁。鴻案相莊轉得師。一門風雅自常宜。副筭君子歌偕老。康爵詩人奏爾時。泥絮從今留雪爪。刀圭重望換霜髭。憶余柿附曾攀末。侍坐俱承別館追。

藝風仁表弟七秩大慶敬賀二律

金武祥

松柏長榮桂子馨。輝煌南極共瞻星。海濱佚老耆英會。曠代高文野史亭。閭苑仙班留碩果。環瀛勝侶祝遐齡。丹砂且進麻姑酒。閒話滄桑兩度經。等身著作炳丹鉛。耆宿從來享大年。好古自同金石壽。傳經尤喜子孫賢。千秋先哲遺書續。萬首新詞樂府編。天日重瞻寰宇靜。親朋相慶更開筵。

藝風前輩七十壽詩

林開暮

風騷陵替後。一老獨歸然。共話巴山雨。曾聽蜀國絃。鳳毛池上客。鶴髮地行仙。七十古來罕。稱觥傲昔賢。文物盛江左。公尤今所推。一龕雲自在。千劫佛然疑。北面皆耆宿。南皮本導師。後凋有松柏。珍重歲寒期。

汲汲親鉛槧。塵襟日埽除。一編金石志。萬卷玉堂書。著錄空餘子。傳鈔付小胥。
後來稱好古。錢顧與黃瞿。
昔纂江南志。從公載筆頻。九流倚利病。一字辨疵醇。自弭彭城節。難扶大雅輪。
殘編今蠹蝕。莫更溯前塵。

祝松江耿伯齊先生六十壽

徐公修慎侯

卅年久作薊門遊。煞費司農仰屋籌。權借酒杯澆塊壘。閒從詩卷紀春秋。庇寒
杜老千間厦。高卧元龍百尺樓。脫却朝衫換初服。軟紅塵裏把身抽。
壯歲聲華滿帝都。閉門著論薄潛夫。揚雄垂老羈郎署。賀監臨行乞鑑湖。花甲
稱觴斟玉醴。草書潑墨試金壺。伯歌季舞兒孫福。大好桑榆晚景娛。

賀陸雲書先生七秩壽

素仰華雲綉鶴姿。欣逢七秩晉蕪詞。盈門桃李春風被。繞膝兒孫晚景怡。園綺
名高應得壽。韓蘇才大况工詩。銜杯笑把吟髭撚。正是華堂祝嘏時。
希聖希賢道性堅。人間矍鑠老神仙。筵開海屋唐公度。算閱靈椿晉稚川。魯殿
欣瞻忘劫運。洛英高會認華顛。投詩忝列羣公末。遙祝彭錢八百年。

祝周夢坡世姻叔五十壽

劉承幹

翰怡

鳳在層霄鶴在雲。徧身仙骨共輸君。鹽人世領周官職。益國名高宋代文。兩越湖山成獨往。百年歲月漸平分。英雄半老閒良得。且策詞場翰墨勳。莫向庭階翦綠莎。草窗詞興屬君多。悶教樊素攜吟榼。閒課樵青織釣蓑。恒嶽數占仁者壽。春風氣得聖之和。詩人却比神仙樂。生日年年醉老坡。

和陳銷翁六十自壽

卓德徵

厚齋

花甲猶吟壯健詩。黃眉翁本不留髭。歡迎竹杖人爭集。頌晉椒觴庖共治。放眼滄桑棋一局。澆胸塊壘酒千卮。原知積善家多慶。天錫遐齡允荷釐。

徒吟秋水伊人句。未訂商山一面緣。見說杏松開盛會。况聞簪笏滿華筵。烟雲泉石謝公屐。風雨蓬窗米老船。到處優遊皆自得。飄然羣羨地行仙。

元日正逢新國慶。幾疑人盡捧霞觴。萊衣戲舞斑斕彩。棣萼輝聯珠璧光。曠代才華多衮衮。舉家儀度自堂堂。遙知就養江南日。還把歸田詠幾章。

從來投契重牙琴。不遇知音孰賞音。敢向班門來弄斧。還思鳥佛鑄成金。騁懷願叙扶桑誼。遊目欣看環堵琳。珠玉在前形我穢。深慚祝嘏類蟲吟。

祝徐伯匡姻兄五十壽

錢學坤 靜方

遊宦何如作散仙。歲華兩計瑟中絃。久疏燕市輪蹄跡。難忘淳溪翰墨緣。花更
十年環甲滿。月先三夕麗空圓。座中論長應足事。矧又松蘿舊誼聯。
為斟春酒酒無量。為獻春花花更香。去日爭如來日永。新年差比舊年忙。懸弧
節繼懸燈節。祝歲觴移祝壽觴。三萬六千場過半。半生扶杖再登場。

祝同社余君樹珊五十初度

袁昌和 鳳鳴

二月春和萬象蘇。逢君初度慶懸弧。荀卿豈是耽遊侶。伯起當甘謝學徒。松菊
就荒猶有興。枌榆結契此同符。閒拈家杖忘時事。耿介由來不是迂。

回首當年賦采芹。素衿猶是染清芬。滄田倏爾翻新樣。海市由他習異聞。晚景
優遊思樂土。晨星寥落感同羣。於今奮袂呼尊孔。論辯淵源配允文。

本來舊歲重盧綸。况復新知締夙因。薑桂不須嫌共辣。松筠畢竟占長春。懷才
司馬辭樞府。賣食姜公困棘津。大器晚成猶有待。聊循吾分葆天真。

躋堂晉祝肆華筵。大衍稱觴列眾賢。應繼宣尼將易學。未妨高適借詩傳。歡娛
姑博香山趣。作活漫求蘇子年。有酒如淮須縱飲。開懷酬唱杏花天。

祝哲甫先生六十壽即用自壽原韻

陸 祥 甸 孫

六秩重賡五秩詩。不須更問舊吟髭。才華合作騷壇主。經濟能教天下治。削草會應求玉斧。添籌愧未奉金卮。松南冀北徒懷想。憑仗巴詞當祝釐。料是前身蘇玉局。山門留帶有因緣。佳兒過邁傳心學。良友觀同釀壽筵。路鬼挪揄知退舍。政潮澎湃漫收船。如公全福誰堪比。合住蓬萊號散仙。何必更言前甲子。且繙新歷進椒觴。壽臻耄耋瞻遺逸。家產驂騑為國光。故事迹尋薦福寺。天倫樂共聚星堂。洛陽紙貴傳佳話。爭寫青松紅杏章。蕭寺秋風一曲琴。畫圖詩卷值知音。高樓位置元龍榻。大藥安排陽邁金。冠蓋交親遍京洛。鄉媛著述盡瑤琳。佇逢稀古重開宴。更示佳篇擊案吟。

康南海先生六十壽詩

曾習經 剛甫

頻年相憶不相聞。猶幸抽琴軫尚存。俱道西樵齊泰華。欲將萬木比河汾。未知霜鬢添多少。為問蒼生瘦幾分。拯溺救焚吾有願。寄欵還自倚南雲。

姜丈石琴六十誕辰草長古為祝并賀貽石可生兩社友

斗大黃金印懸肘。舉世紛紛作功狗。從汙逐臭彼何人。便享千齡未為壽。石琴

姜丈其天全。林泉養晦仙。乎仙放懷浩浩。眼千古。焚香兀兀手一編。有時踏雪尋詩句。賞心欲與林逋遇。自比羲皇以上人。山農鋤藥饒清趣。已饑已溺深懷抱。行年六十如年少。舉業居然老孟光。齊眉難得花常好。庭前玉樹幾生修。生子當如孫仲謀。驚才絕艷誇江左。文采翩翩第一流。羨煞兒曹情何已。春暉並照真堪喜。心頭振觸感如何。擊劍狂吟我醉矣。

壽世伯姜石琴先生

林百舉

先生鋤藥問何須。勝煮山中白石無。老釣蟠溪猶遇卜。高韜淮海竟難圖。景行恨未隨鳩杖。清韻欣曾識鳳雛。夜夜練湖騰紫氣。少微南極並天衢。

祝薛叔平先生六十壽

李雲夔

青山青史兩難并。修到清閑福幾生。漫向尊前感遲暮。翻從劫後話昇平。蘭亭曲水今無恙。竹邑名門舊有聲。世事滄桑心事定。楔堂此日且稱觥。誰家庭院草芊芊。風景依稀歲月遷。北海琴尊歡聚日。東山絲竹亂離年。功名蕉鹿塵中夢。鄉思蘊鱸世外天。拜識荊州苦無分。新詩題上五雲箋。

壽靜仁先生即用先生四十三初度韻

胡蘊玉 樸庵

悠悠誰作中流柱。清德如公未見多。坐我春風琴乍奏。照人朗月玉新磨。壯猷
早定千秋業。道力偏增一丈魔。閒對荷花懷茂叔。醉顏不覺已微酡。

前題

陶牧小柳

蒼生霖雨尊安石。卿貳蜚聲政績多。韓范功名為國用。蘇黃歲月共詩磨。紅旌
紫綬年猶壯。白水丹心鏡埽魔。一曲壽人杯酒在。重幃春好頰微酡。

壽靜仁先生四十三初度即步原韻

汪洋子寶

謝公霖雨蒼生望。失笑東山處士多。白傅風流猶想像。紫陽遺愛未銷磨。好將
春酒歌眉壽。願把精誠却眾魔。長揖登堂獻詩句。不須痛飲已顏酡。

賀臯言五十雙壽

李雲夔一民

今日華堂敞綺筵。况逢天上月團圓。時乙卯十一月十五日最難白首人偕老。願祝羲和

緩著鞭。

幾人杯酒祝華顛。修到鴛鴦不羨仙。百歲光陰今過半。齊眉夫婦正中年。
攬轡中原願已虛。歸來彭澤好家居。即今海內洶洶日。偕隱名山有鹿車。
投足已無乾淨土。醉鄉不住住何鄉。莫嫌夫婿封侯晚。南面居然號釀王。
君善飲時

人稱之
為釀王

和臯言五十自壽

集元遺山句

周斌 芷畦

大定明昌五十年。空將哀淚洒吳天。蛟龍豈是池中物。道人薄有塵外緣。但喜詩章多俊語。今傳史筆記歸玄。知君祿仕無心在。且放閒身作地仙。斷雲含雨入孤村。正及新年薦壽尊。杯酒相陪有今夕。衣冠兼得見高門。詩家元白風流在。圖畫堯民太朴存。且說懸泉好薇蕨。秋風搖落變春溫。

壽陸鷗安先生

沈昌直 穎若

人生七十古來少。况復七旬加二年。教育史中大人物。先生以壽筵助學耆英會裏老神仙。秋風七夕逢佳節。七月七日祝嘏春酒千觥啟壽筵。更喜回天多偉力。雨餘紅日映堂前。

徐菊人相國六十壽詩 集蕭選

陳大斌

文昌鬱雲興。良辰在何許。君子福所綏。常聞詩人語。藹藹風雲會。文明固天啟。五色曜朝日。黃旗映朱邸。惟師恢東表。式瞻在國楨。區宇既滌蕩。時泰玉階平。君侯多壯思。籌策運帷幄。總之都邑人。慶雲惠優渥。謙謙君子德。預見古人風。

適用西廡全書 卷二
當今麟閣上。賓客仰徽容。感物懷殷憂。此理誰能察。頌酒雖短章。私願偕黃髮。
重陽集清氣。高會君子堂。濟濟京城內。粲粲翰墨場。主稱千金壽。賓飲不盡觴。
羽觴不可算。賦詩連篇章。今日良宴會。茲辰自為美。此歡信可珍。此志難具紀。
予非荆山璞。何以敷斯詞。陳詩愧未能。願以黃髮期。

恭祝沈樂山先生八秩大慶

雷顛

昭蘇萬彙恰春回。八秩欣看壽域開。濟世深心能愛物。圖強至計在培才。挽回
劫運消鶯粟。想像清標擬鶴梅。百歲期頤堪預卜。南山重與祝臺萊。
五朝閱盡幾滄桑。今日華筵舉壽觴。蜀國君平工卜易。孔門子貢善經商。鳳毛
濟美騰輝遠。鶴髮盈顛益算長。福是神仙心是佛。歸然魯殿峙靈光。

祝吳子修太姻伯暨夫人七旬雙壽詩

顧燮光

商山芝圃賡偕老。滄海桑田衍大年。絳縣耆英輸甲子。劉綱伉儷本神仙。珊枝
先綻芬梅嶺。紫誥聯封耀木天。極婺雙輝徵上壽。蓬瀛清淺幻紅蓮。
輝煌喬梓掌文衡。環珽聲華著令名。內助賢明官閣靜。母儀聖善瑣闈清。掄才
西蜀鴻文重。課士南昌雅化闕。三奏輶軒堂構美。鹿車同挽板輿迎。

五年兩渡洞庭波。惠溢三湘協太和。詩詠青莪襄棧樸。榮昭翟第壯山河。謀貽
燕翼經傳慢。秀茁桐枝綵舞羅。勤儉持家慈勗眾。根培葛藟感恩多。
義方垂訓耀箕裘。鴻案齊眉到白頭。木應嘉祥著連理。人欽厚福羨雙修。九如
共詠鳩扶杖。百歲同臻鶴益籌。會看期頤天錫嘏。揚輝合再祝千秋。

錢聽邠先生七秩壽詩

姚鵬圖

吳越高門重。期頤壽寓開。聲華儕角里。文字頌蘭陔。垂露詩千軸。流霞酒一杯。
為公祝眉耆。勝會遲進陪。

郎官門蔭貴。州將近畿尊。蟠鳳知名早。牛刀往事論。鼎鐘勛可述。瓦礫道還存。
畫卷徵題遍。歸舟片石捫。

龍蛇方起陸。琴鶴正移家。東閣梅初綻。南山菊有華。中丞雙戟在。樂園一弓夸。
世德東倉盛。傳家書滿車。

羣紀聯三世。臺萊頌萬年。身名金石壽。弓冶子孫賢。東魯謳吟遠。南天星斗懸。
珍珠泉上客。愧未侍瓊筵。

恭祝錢聽邠先生七旬榮慶

毛祖模

平泉開壽域。愛日小春長。人瑞欽山斗。耆英重梓桑。清芬垂武肅。遺胄出錢塘。東髮儲宏抱。趨庭秉義方。家書馳白羽。世劫際紅羊。陔膳承歡笑。戎機待贊襄。早蜚時俊譽。久樹吉人望。棘木精研律。花封小試銚。循聲馳易翼。治績媿龔黃。勇退知機捷。澄懷寡欲剛。琳琅添藁本。金石壓歸裝。興偶田園遠。爭嗤鷓蚌忙。唱酬聯友社。扶掖護孫行。棹約淞濱艤。梅先庾嶺香。趨蹌看舞彩。鞠脆共稱觴。獻壽詞慙拙。期頤祝未央。

壽錢聽邠先生七十

惲毓齡

歸然南國魯靈光。俯笑人間襍穢忙。旌節門庭綿二世。鄉環學識具三長。古稀癸丑蘭亭契。覽揆庚寅蕙晦香。祖武定繩頤壽老。鶴飛一曲賀新涼。

壽錢聽邠先生用白香山體

吳慶坻

江左清門望若仙。吉金貞石壽同堅。甃文手拓開皇字。詩格名高大歷年。身閱五朝嫺故事。吟成百老續新篇。感時賦已蕪城擬。問道居宜畏壘偏。世外柴桑留菊徑。山中園綺養芝田。况看寶樹森階砌。爭誦清芬一硯傳。

壽錢聽邠先生七秩即和先生自壽韻

呂景端

故家喬木瞻巾履。人世滄桑感鬢鬚。范硯貽謀綿祖澤。萊衣養志奉親娛。名場著脚忘枯菀。詩律從頭勘細麤。哀樂中年身不壞。東南大雅手重扶。百篇酬和新吟稿。七憶因緣舊畫圖。最愛婁東老居士。淞波滌筆一塵無。貞元朝士今無幾。冉冉霜侵頷下鬚。舉目河山異疇昔。放情文字且嬉娛。劫餘僑寄都成俗。醉裏疏狂不礙麤。索句宵長支枕穩。探幽夏健却筇扶。姓同遺老田間集。名稱羣英洛下圖。問道賓筵將進酒。流霞許我駐顏無。

賀錢聽邠先生七秩即和自壽元韻

黃世祚

一麾出守碑留口。七秩稱觴雪滿鬚。婁郡斗山推宿望。滬江風月足清娛。琴書頤養神常愜。金石摩挲道豈麤。染翰共驚椽筆健。觀雲時喜短筇扶。吳中五老應添席。洛下羣英合繪圖。繞膝瑤瑜看濟濟。弄雛曾笑楚菜無。

賀黃君芳野四十生辰

徐法祖伯英

光陰迅疾一年年。得意初開四秩筵。兩佐法曹勞案牘。屢聞高誼薄雲天。林泉嘯傲陶彭澤。詩酒疏狂李謫仙。預祝使君無量壽。不徒學養漑心田。熱忱久抱氣軒昂。強仕年華願未償。母命諄諄辭組綬。父書點點認丹黃。翩翩

鶯燕新詩料。得失雞蟲舊宦場。翹首朱溪違咫尺。臨風遙進紫霞觴。

壽黃芳野先生四十即和先生述懷詩韻

陳貽芬

大好光陰似矢催。讀君佳句為低徊。儘多身世茫茫感。不盡詞源滾滾來。議席

建言關至計。訟庭判事仰長才。即今暫向田園隱。壯志昂藏未肯隕。

時局滄桑幾變更。澄觀漫作不平鳴。著書自抱千秋想。取友應馳四海名。喜對

金萱常藹藹。愛看玉樹正英英。人生無事方為福。酒賦琴歌寄此情。

奉賀黃芳野先生四十初度

高 燮

四十依然綵舞身。春暉寸寸總堪珍。未須濁世嗟牢落。大抵中年感苦辛。柘水

當時長桃李。泖湖此日憶鱸莼。祝君且莫等閒老。法治由來亦在人。

奉祝芳野我兄先生四秩大慶

徐公修

省院謨猷展。民庭聽斷公。名場摘藻采。下邑寄萍蹤。風雨神明契。雲山夢寐通。

柘湖南望近。緘札托鱗鴻。

汪汪千頃度。時與古人期。品詣能持正。文章善出奇。三年成濶別。八首示新詩。

強仕羞言仕。平頭四十時。

壽剛甫先生五十

敷庵

長夏村居勝好春。先生久願作湖民。疏通畦隴元經濟。取次篇章入笑嚔。日暮看花常負手。山泉煮茗畧沾唇。義熙歲月尤宜飲。慣見淵明漉酒巾。

壽章鍾亮先生六十

張之純 爾常

詩賡五秩客秋忙。得句推敲鍊雪霜。物我兩忘胸坦白。古今一轍口雌黃。但求樂道馨顏桂。不學修仙買蜀薑。自有長生奇術在。夢醒三萬六千場。

僕夫况瘁馬虺隤。每日雞鳴上道催。我轉正供燕北去。君因罷試洛陽來。寸心同許馳千里。二妙猶思聚一臺。異地相逢添樂趣。銜杯相見笑顏開。

風起何曾扇障塵。逍遙物外老吟身。花紅榴火宜添壽。五月生辰階綠苔錢也療貧。

保世韋賢經教子。齊家冀缺敬如賓。留題語奪龍山秀。沙白於今有替人。

小草桓温笑謝安。蒼蒼松柏歲經寒。林壬共詠真無間。花甲重周定不難。通臭久深蘭葉佩。引年豈藉菊英餐。不才九齒蒙天與。同調琴音續續彈。

韓半池先生六十壽詩

姜世維

仕隱歸來不染塵。苦將仁術活斯民。曹娥江共官聲永。孟母機猶手澤新。朔望

能消清淨福。瘡痍羣沐太和春。珠溪一掬天池水。陳寔薪傳有替人。

前題

姚鵷雛

惠文冠底任名傳。解綬歸來意已賢。燈影寒窗春似海。鴛湖烟雨吏如仙。身居
泖鏡峰屏裏。興寄青囊玉麈邊。賤子平生勞獎借。終軍慚愧問華年。

前題

耿道冲

老圃黃花重魏公。春光更綯杏林紅。猶承萱蔭瞻堂北。永愛棠陰望浙東。湖海
論交情浩蕩。素靈解義識明通。活人歲歲盈千百。生氣充懷福禔躬。

前題

雷補同

介壽筵開畫錦堂。延齡妙術問青囊。傳心直接元龍座。著手精研扁鵲方。日暖
杏林將進酒。風高梁里早還鄉。拈來舊詠為君頌。老圃黃花晚節香。

前題

每句用一韓姓故實

錢學坤

祥雲五色照堂前。韓琦籠貯昌陽善引年。韓愈遯世姓名歸婦孺。韓康活人藝
術勝神仙。韓友歌功疊起樑猶繞。韓娥受業紛來限欲穿。韓性梓里疾除重腿

苦。韓厥萱闈孝夫一誠虔。韓懷明旁通法律聞函谷。韓非小試功名著潁川。韓

延壽湖上跨驢宜酒醉。韓世忠庭中趨鯉有詩傳。韓嬰芳菲折柳三春節。韓翃
頃刻花開百壽筵。韓湘國士豈無醫國手。韓信甘棠爭賦召公篇。韓起

前題

徐公輔

杏花春盡後。正是誕生時。歐母承歡久。曹娥寄迹遲。家風綿國士。絕學付佳兒。
晚節黃華勁。星星兩鬢絲。

泖鏡峰屏勝。先生杖履中。南陽饒望族。北斗仰高風。梅鶴林逋侶。莼鱸張翰同。
香山退閑賦。無限夕陽紅。

前題

朱運新

一覺滄桑夢。扁舟返五茸。閒眠陶令榻。上繼伯休蹤。玉樹臨風皎。琪花浥露濃。
機聲與燈影。和墨寫慈容。

沈母高太夫人七秩壽詩

楊士琦

春申江上紫霞觴。載入潘輿獻北堂。壽域宏開金鑑滿。佛心普渡木樨香。笙簫
合聽鈞天奏。梁棟能為大廈光。此日人間多豔羨。謝家玉樹已成行。

婆娑鶴髮拂肩齊。懿行無慚仲舉題。自有堅貞傲松菊。也曾辛苦料鹽齏。畫餘

荻字歌黃耆。彩綉萊衣降紫泥。同祝瑤池千萬壽。隔湖秋水浙江西。

前題

張鎮芳

玉宇秋澄八月天。瑤池今日集羣仙。星輝寶婺三霄朗。範衍箕疇五福全。親見
豸貂門第盛。爭傳麟鳳子孫賢。誰知懿德從勤儉。猶誦幽風無逸篇。

班左清芬早歲誇。禮嫻內則著柔嘉。來嬪媯汭莊鴻案。僑寓江淮挽鹿車。手潔
蘋蘩先致孝。躬操井臼善持家。盤區能悅重闈意。饘粥居然為勉加。

內助從無內顧憂。甘棠南國起歌謳。料量縫織篝燈苦。分潤宗親與粟周。子舍
勗成芸案業。乙科高擢桂宮秋。殷勤封鮒頻垂訓。出任非為利祿謀。

起居八座太夫人。迎養曾來析木津。報國忠清酬畫荻。近鄉居住為思莚。金泥
芝煥天章色。玉杖花迎歌浦春。翟茀不更寒素志。德鄰沐化仰慈仁。

積善之家有餘慶。聯翩昆季比珪璋。端公壽母歸帆駛。萊子娛親舞綵忙。世澤
遺經期紹述。稀齡設悅戒鋪張。弄孫況有含飴樂。五代休徵見一堂。

迺遭歷盡席豐時。彤管褒揚式母儀。飲食壽康增悅豫。精神純固卜期頤。遭逢
紉縵星雲世。歌詠升恒日月詩。羈迹未隨鴛鷺序。聊書綺軸獻蕪詞。

前題

袁乃寬

鶴捧瑤觴獻壽杯。月圓花好祝臺萊。孫曾繞膝扶鳩杖。伯季承顏挺驥材。濟美堪方周八士。蜚聲同炳漢三台。廣陵潮水千春漲。海上鰲山湧地來。蘭陔日永繪新圖。賢子宣勞報母劬。挽鹿江淮歌黻佩。珥貂京國協都俞。八龍庭列東西阮。五鳳樓高大小蘇。洗甲天河雲亂縵。壽人壽世際唐虞。

前題

莊蘊寬

授書華胄高東觀。舞綵春暉永北堂。寶婺三秋騰瑞靄。錦筵八座備榮光。共瞻行馬官初貴。信識丸熊教有方。鍾郝風徽真不忝。豈徒梓里播芬芳。

前題

張一麀

中閨名德冠吳興。蕙問蘭儀里鄙稱。經訓師承開絳幔。義方功業在青燈。雍容伯子超三事。英雋諸郎擅九能。回憶熊丸攻苦日。瑤環瑜珥到孫曾。慈闈錫嘏桂輪融。南北承顏笑語同。綵屋捧尊娛太姥。華堂措笏拜司空。榜題新下通明殿。樂府遙膺德壽宮。封鮓千秋佳話在。延年美意譜詩筒。

前題

周自齊

漢京韋相盛貂蟬。却本傳家母氏賢。濟美八慈龍挺譽。凝祥七秩鶴延年。徽稱遠播垂彤管。法曲長生奏綺筵。正喜霞觴開北第。滿堂簪笏綵衣翩。

前題

朱啟鈴

八詠名宗附女蘿。雙雕清裔出璇波。行成嶺桂秋霜潔。德潤陔蘭春日和。壽母古稀新設悅。縣君畫錦舊鳴珂。悃悃聞則昭彤管。一曲雲璈播雅歌。薛鳳荀龍接軫新。養堂福澤邁時倫。隔紗道媿班姑史。斷機風高孟母隣。歌浦正輝金粟影。縵亭遙映彩衣春。同舟子舍慙仙侶。清淺蓬壺引望頻。

前題

金風玉露透新涼。報道瑤池進壽觴。課讀當年親治績。斷機今日盡流芳。綵衣繞膝芝蘭秀。白髮垂肩歲月長。奉養潘輿娛晚景。門庭盛鼎說姬姜。

前題

宋小濂

璇闈高敞進霞杯。明月當空壽域開。自古賢媛膺百福。從知聖善育多才。一門競爽蜚聲早。滿眼孫曾繞膝來。他日期頤誇盛事。登堂重為頌臺萊。

前題

劉若曾

天風桂子動高秋。錦悅欣添海屋籌。南澗蘋香徵被德。北堂護草券忘憂。鮮封
砥節欽陶母。燕喜承歡頌魯侯。最是麻姑能久視。滄波幾見綠桑稠。
尚書八詠溯家傳。奕世猶鍾玉樹賢。凌竹多才兼兩到。斷機有訓秉三遷。西來
佛性聊談果。南見星輝恰麗娟。珂里江潮今日盛。應賡遐福似增川。

前題

任鳳苞

餘慶終歸積德門。絳帷風範至今存。七篇女誡傳兒婦。一部周官教子孫。鼓吹
賀齊榮奉養。板輿潘岳慰晨昏。膝前金紫稱觴日。天姥雲開笑語溫。
愛日瞳瞳照北堂。斑衣共舞爛輝光。西京門第推嚴媪。東魯公卿頌敬姜。海上
桃華秋獻實。月中桂子夜生香。待看三十年來後。菊水重開百歲觴。

前題

李映庚

懸圃筵開壽宇新。翹瞻婺彩靄良辰。天香九醞麻姑酒。淮浦三遷孟母隣。豔道
陔南皆孝子。懽承堂北慰艱辛。自來渤海多賢媛。五色仙雲護翠筠。
錦衣玉佩酌金罍。爭博慈顏一笑開。三善堂前喧綵舞。萬年枝上喜春回。宜家
夙著孟光案。祝嘏應慙太白杯。道是西池桃正熟。天邊青鳥已啣來。

前題

堂開畫錦會羣仙。丹桂香中簇管絃。為祝千齡增鶴算。恰先三夕慶蟾圓。金張
豔說門楣貴。鍾郝還欽禮法傳。更喜稱觴輝四玉。琪珪玳瓘盡英賢。
蘭陔齊獻九光芝。介壽金風玉露時。爛漫萱闈榮象服。斑斕萊綵照瓊卮。東陽
紫綬雲霄迴。西母青琳福祿宜。指顧同堂看五世。桐枝應喜見孫枝。

前題

吳筠孫

良辰設悅古稀年。令德猶來戚鄙傳。早慧能承慈母意。于歸還得祖姑憐。端莊
鴻案如賓敬。辛苦熊丸教子賢。懿行嘉言多足述。漫賡黃髮閔宮篇。
雲霄詆蕩看諸郎。濟濟壘篔簹奏兩行。海屋春長萊綵舞。月宮秋滿桂枝香。十旬
家國同稱慶。幾輩孫曾競捧觴。會待華筵開八秩。定教五世喜同堂。

前題

許星璧

淑慎溫恭著令儀。相夫教子女中師。鹿車共挽淮陰日。翟茀榮歸隔渚時。荀氏
八龍誇得半。桓山四鳳競稱奇。箕疇第一先徵壽。積厚何嫌晚福遲。
華堂畫錦綺筵開。遙見羣仙海上來。桂月團團騰壽域。芝泥璀璨出瀛臺。西池

王母乘鸞降南嶽夫人控鶴陪此是長生無量佛笙詩送奏綵衣萊

前題

王伯恭

堂前春色茂金萱桂醕香濃琥珀筵。紅縵光開新世界。康甯福衍古稀年。芬流彤管霞同絢。瑞集萊衣月正圓。一獻長生無極頌。摛毫還續九如篇。

前題

沈金鑑

聖善推賢母。蘭閨仰令儀。家聲淮浦赫。世業峴山稽。韶歲嫺書史。淵衷蘊孝慈。艱難遭國步。淡泊順天倪。挽鹿能居約。九熊有夙期。域中資博覽。海外恣搜奇。儵爚開新運。聯翩際盛時。國基深奠定。政論賴維持。公望燕京重。神威冀野彌。吳中賦財綰。滄瀆頌聲馳。蘭玉才俱著。荆釵志不移。成名由母訓。樹德衍孫枝。多福鴻褫集。開筵燕喜宜。捧觴將色養。還鮓念時危。簪紱原榮遇。忠勤在論思。由來稱國士。豈獨耀門楣。載誦陔蘭什。賡歌翟第詩。宗風騫絡繹。祖德映葳蕤。匪曰瓊瑤獻。聊為里鄙規。天庥躬默迓。更與祝期頤。

前題

汪鳳瀛

盛事傳吳越。嘉祥集德門。板輿潘令署。金谷石家樽。畫錦堂皇敞。斑衣笑語溫。

令儀欽壽母。競爽羨諸昆。方朔桃爭獻。安期棗勸吞。佳辰當慶祝。往蹟試追論。姆教深閨秉。天懷摯性敦。職修中饋洽。孝奉太姑悃。高節侔封鮐。清操却饋豚。親交賙恤禮。臧獲撫循恩。美意延年久。貽謀式穀存。九疇身備福。七秩齒稱尊。恰值觀濤節。欣瞻愛日暎。國華揚梓舍。家瑞衍桐孫。凡此休徵萃。胥歸厚德坤。期頤操券待。百祿頌無垠。

前題

汪大燮

懿範推賢母。清芬啟後人。楹書綿世澤。孝友樂天倫。彩悅千秋煥。高樓八詠新。森森堂北樹。采采澗南蘋。伴讀三更月。承歡一室春。班姬工史法。薛女號針神。畫仿歐陽荻。遷宜孟母隣。聯鑣看軾轍。治劇重經綸。節操徵松柏。孫曾蔚鳳麟。絃歌逢令序。綵舞趁良辰。仙酒麻姑熟。雲璈閨苑陳。躋堂殷獻頌。福祿自天申。

社友邱潛廬母何太君六一壽詩

李壽銓 勁臣

南天星耀壽筵開。桑海麻姑眼見來。夢綠華應催荔出。雲紅宴定報梅開。零陵記取當年市。巴蜀猶傳舊日臺。戰却凝寒春有脚。女兒山上此銜杯。

李靜軒主政太夫人八旬大壽詩

顧燮光 鼎梅

瑞菊綻金天。琅琅雲璈奏。燕喜頌闕宮。北堂慈萱茂。八秩行遐齡。爽氣惟秋候。祥集通德門。桂芳燕山竇。韋慢羨傳經。箕裘紹堂構。哲嗣育英才。諄諄義方授。萃拔貢樹芳。冰銜粉署楙。鳳毛桐枝榮。犀角蘭階茂。兕觥躋華堂。冠裳集親舊。介祉詠南山。第祿荷天祐。鯁生與元方。曾附鵷行後。懿範久欽遲。揚鱗頌早就。彤管記駢芬。吉語慚文繡。頤福卜無疆。共晉喬松壽。

史康侯年伯太夫人九旬壽詩

顧燮光

燦燦寶婺星。祥光耀天際。盛世著人瑞。耄耋開百歲。賢母福德宏。駟馬高門第。二子俱名流。上苑攀杏桂。諸孫亦競爽。南陔茂蘭蕙。折獄教明恕。哀矜除煩細。進諫教伉直。忠誠滌苛弊。捍患貴謚安。持家尚勤惠。凡茲懿德昭。第祿自濟濟。逢吉協康強。遐秩期頤繼。椒醕酌華堂。樂章瑞雲麗。再貢揚鱗言。彤管書駢儷。

詩四 哀輓

清太傅陸文端師輓詩

秦粵生

痛矣為天下。非闕師弟情。盡心惟一死。大節勵平生。宇宙皆秋色。江湖有哭聲。蓋棺今論定。千載永留名。

一代賢師相空餘故國悲。文章為世重，辛苦有誰知。痛哭憂周室，招魂讀楚辭。
都門勞悵望，遠道寄哀思。

渺渺斯文喪，哀哀吾道存。精神貫日月，正氣塞乾坤。風雨助悲悼，江山斷夢魂。
臨終艱付托，心事向誰言。

公望重鄉國，大星一夕沉。死為時所迫，恨與海俱深。何地埋忠骨，有天鑒苦心。
殊恩身後渥，四海盡悲音。

一別竟千古，臨風倍愴神。傷心懷故老，灑淚泣孤臣。歷盡艱難日，長歸清淨身。
百年誰不死，青史幾完人。

輓清太傅陸文端公

秦綬章

紫薇垣近接文昌，忽訝台星夜斂芒。名榜昔曾傳寶祐，講筵今更重華光。神歸
兜率天應泣，藉著貞元眾所望。想見深宮懷舊學，丹書披誦到遺章。

焚香選卷副求賢，忠孝平生矢報虔。宣室屢聞諮側席，瀧岡早見表新阡。麻鞋
間道趨行在，金匱長編補紀年。省識貞臣心事瘁，允宜內相媿忠宣。

位業真空證夙因，那堪陽九厄艱屯。聯翩自起匡時佐，保衛惟資夾輔臣。一代

黃扉留後殿。千秋青史見完人。况聞朝野咨嗟外。八百孤寒涕淚新。
卅年交誼托同岑。文字緣中訂賞音。芸館幸隨前輩附。蓬門猶盼故人臨。
舊遊韋杜情如昨。浩劫滄桑愴更深。寥落可勝知己感。山陽鄰笛伯牙琴。

輓吳中遺老鄒芸巢先生

李澍初

青山綠水古長洲。匿迹甘為皂帽儔。講幄茶香空昔夢。臯臺竹碎起新愁。
有心避世非浮海。無地理憂號倩溝。二百年來隆養士。者般苦志足相酬。
投來簪笏老烟蘿。身世滄桑一刹那。薇蕨心含殷士淚。荃蓀手仿楚臣歌。
山林肥遯性情摯。文字流傳感慨多。自有先生垂氣節。千秋始識重詞科。

輓鄒巢隱先生

秦綬章

鄉邦文獻老成型。俄訝吳中隕德星。閱世已成桑海客。寄詩空弔草堂靈。
開元舊事懷疑碧。野史遺聞付汗青。詞賦梁園應莫問。欵噦有道式碑銘。
記得臚雲唱九天。追懷元祐幾遺賢。溫公洛下閒居日。安定湖州授學年。
自為急流爭砥柱。豈期獨樂戀林泉。歸田共羨清時早。負郭貧無二頃田。
蘧廬風雨證行藏。魏闕江湖夢未忘。家祭詎知王氏臘。寇氛還避鄭公鄉。
龍蛇

蟄後存吾道。鷓鴣聲中惜眾芳。歎息徵書催玉版。定持真宰訴天閭。
回首宣南話別時。天涯舊雨恨分歧。書來招隱勞相勸。病為憂時恨莫醫。青史
待修遺老傳。素車真負故人期。儒林更重斯文悼。豈獨黃鑪感舊悲。

輓鄒巢隱先生

曹福元

公何往乎竟千秋。炳神靈兮照九幽。冠冕詞林嗟麟鳳。糝糠濁世歎蜉蝣。屈平
哀郢知絕痛。巫咸下名不可留。嗚呼一歌兮雲悠悠。魂兮歸來驂銀虬。

公何往乎望瑤閭。我冠繡衣隨帝旁。丹心耿耿訴真宰。玉局昭昭生清光。雲錦
織成忠孝字。珠毫吐出星漢芒。嗚呼再歌兮淚浪浪。魂兮歸來酌金觴。

公何往乎大羅天。香風吹上藕花船。紅羊換劫夢中夢。皓鶴凌霄仙乎仙。聯吟
五老終一慟。望古六友今七賢。嗚呼三歌兮涕漣漣。魂兮歸來飲芳筵。

公何往乎陟孔林。奉禮器兮罄素忱。迴日恨無擎天手。登岱常懸宗聖心。北斗
文章大星朗。東壁圖書皎月臨。嗚呼終歌兮琴悃悃。魂兮歸來盍華簪。

挽黃克強上將

周景瞻

相從患難痛餘生。回憶當年暗自驚。一老難留闕大局。諸奴徼倖竟成名。已危

國事憑誰說。未死人心有不平。來撫桐棺無限淚。洞庭波向海門傾。

海上追悼宋鈍初

林百熙 一丁

道義雲天峻。文章滄海崇。歸墟應列宿。餘氣永垂虹。國痛長城壞。人思大樹功。辦香憑仰止。萬恨塞滄穹。

斯世問何年。千山泣杜鵑。沙蟲傷遍地。驂鶴忍還天。刺盾鉏麋獲。剖心罪首懸。知君猶未瞑。俎豆亦徒然。

園柳鬱千條。春融雪正消。今朝黃歇浦。昨日虎坊橋。後死誰無責。英魂赴大招。胥門終放眼。且莫作驚潮。

輓遜初

溫 見著叔

小攫金丸便自歸。靈風飄墮國魂非。但憑赤手堪為雨。纔睨蒼生又落暉。爛熳河山隨夢斷。模糊腥血背人飛。英雄一去如龍虎。羨汝牛羊草上肥。

哭遜初社兄

王漢章 吉樂

虎豹嗔香草。哀思千里通。斯人闕運會。當世失英雄。猿鶴驚中變。雞蟲肆內訌。九京長已矣。誰與亮天功。

哭鈍初

林學衡 浚南

相從患難慟餘生。氣類凋傷黯自驚。一逝倘聞闕大計。九幽終覺惜微名。已危國事憑誰挽。未死人心有不平。荐辟荀韓吾不分。却持熱淚慰泉明。平情功罪足千秋。噩耗遙傳淚忍收。蘭忘當門甯不爾。鼠驚馮社果誰尤。芳菲亂眼春無主。政變寒心死倘休。說與九原應一慟。倚閭白髮正添愁。

袁蛻庵

姚錫鈞 鷓雛

江左才人感如君。晚可嗟猶能依內乘。不敢憶年華毀譽一棺戢。交親百故差。虞詡休論怨猶有素帷車。略減元龍氣猶存北海狂。如何晚騰蹕。至竟付銷亡。才老邱靈鞠憂傷感孝章。遺書紛在篋。可忍問行藏。

海上哭夏昕渠

柳棄疾 亞子

結客千秋贈寶刀。大哀一賦氣能豪。交情自昔關生死。慷慨何曾惜羽毛。絳帳無靈絃誦廢。黃鑪有客旅魂消。迴車不為西州慟。鬼叫狐鳴萬勝橋。

亡友周仲穆哀辭

黃懺華 琛華

漫搵雙眸淚。回看百鍊刀。已悲金燼暗。况值杜鵑號。楚客憂春盡。湘纍逐恨遙。松醪堪盡醉。只是見藜蒿。

鸞翮要須鍛。雄文自此高。土中埋玉樹。海底瘦香桃。化作三年碧。榮於一字褒。玉樓應有記。走筆動仙曹。

後死誰無責。偷生我正勞。未懸雙玉劍。終負九方臯。苦憶紅驄影。明煎白鳳膏。幾時攜庾信。一為續離騷。

忍教莊蝶去。其奈怒蛙豪。何處無肥噬。誰人不目逃。飛龍虛出骨。虺虎正爭嗥。灼灼東門眼。奔騰欲化濤。

哭張伯純先生

高旭天梅

夷吾江左再來身。國士無雙入幕頻。麻木風痺究何世。勤勞忠實要斯人。聯吟明月梅花夢。交誼空山杜若春。不信老成遽凋謝。摩挲遺墨淚沾巾。

卓絕東南天放樓。抗懷稷契儘堪疇。自饒儒者千秋業。不屑人間萬戶侯。有以蘇督

相屬者君一笑去之歐九表阡新紀念。孟光舉案舊風流。入秋風雨淒涼甚。國瘁人亡滿

眼愁。

犁庭夙抱感精靈。

民軍起義君屢條畫方略

贏得他年照汗青。賈傅才多難救國。伏生有女

始傳經。欲從天上依南斗。忽歎湘中落大星。轉痛酒徒空後死。悄磨寶劍帶龍腥。

撒手人天志不灰。龍顛虎倒莽塵埃。一朝水火玄黃血。百劫河山操莽才。我自臨風歌當哭。公應騎日去還來。即今喪亂真難料。感逝傷時倍可哀。

哭亡友周實丹烈士

周偉人菊

一痛哭君死。乾坤正氣存。回天憑赤手。畢命在黃昏。能繼睢陽烈。應歸丁令魂。飄零惟有我。肝胆與誰論。

丈夫須死耳。苟活仗誰憐。大義能垂世。殊功可補天。狂狷惟爾我。歌哭必綿聯。身後區區事。文章一代傳。

共道長城壞。凶危孰殺之。幸能留老父。天遣撫孤兒。魂魄君焉往。蹉跎某在斯。鯨吞終漏網。熱淚落絲絲。

攬轡澄清志。橫戈躍馬來。世人皆欲殺。天意竟難回。散佚嗟遺著。情懷托酒杯。英靈長不返。愁幃幾時開。

死別吞聲苦。於今已四年。招魂不可見。入夢益悽然。久欲將醇酒。哭君荒墓前。搜求慚負責。遺墨未全傳。

欲救蒼生厄。斯人不可無。交情同手足。遺德畀妻孥。當有高文在。長無索酒逋。未能先斃虎。一著遂全輸。

挽王劍章

姚錫鈞 鵷雛

歎逝傷離感已深。忽聞海上絕瑤琴。到心難遣惟哀樂。彈指無端異去今。氣味真憐蛭駃共。遊蹤浪遣歲華侵。傾河注海渾閒語。請寫龜堂此日心。

分經橫舍舊齊名。青眼王郎別有情。突兀高文推宿慧。崔巍正氣見平生。推襟雷義懷初遂。渴肺文園病早成。憔悴杜陵詩筆在。高文天壤待誰聽。

白門哀柳照烟鬟。扶策同遊未倦還。畫槩明湖紅藕粉。蹇驢側帽紫金山。陽關折柳淒迷別。行卷題詩醉醒間。一落京塵吾自愧。六朝掌故看君刪。

醉白池悼拜一時歿二年矣

姚錫鈞 鵷雛

高文歷落空千古。同輩飄零滿九原。馬鬣未封空宿草。羊膺欲折向州門。平生垂覺風懷淡。閱世真成仗馬喧。剩有舊時文讌地。不聞鄰笛總銷魂。

適用西廂全書 卷十一
陳母沈太君輓詩為巢南作

陶牧小柳

系出東陽拜母賢。千秋苦節柏舟全。成名教子書能讀。濟眾分財世已傳。劫火竟催風木盡。徽音早共雪霜堅。太邱幸托通家好。憑弔空存絮酒緣。

華吟梅女士輓詩

徐枕亞

高標勁節勵清真。直與寒梅作後身。兒女能關天下計。英雄齊拜畫中人。仙蕲靈藥思奔月。淚簇餘花慘送春。一自乘風歸去後。年年芳渚杜蘅新。

緹縈自是女中英。不露文章世已驚。事業未終天遽妬。室家雖好命難爭。生前遺恨誰能拾。死後虛名我亦輕。贏得孤兒齊下淚。淒風苦雨滿葦城。

姊妹當年迹最親。花殘月缺可憐春。離鸞夢杳誰為別。寡鵲吟成更有人。白首盡違偕老願。紅顏長說不祥身。自由種是相思種。一樣淒涼證惡因。

杜鵑啼老燕辭梁。五月江城客斷腸。天上幾曾留鈿約。人間一例哭秋娘。指秋使

梅花萬樹魂應托。蔓草千年骨自香。有女呱呱還在抱。祝他異日早騰驤。

華吟梅女士輓詩

徐公修

女界光峰泖。錚錚樹令名。毀家追卜式。代父媿緹縈。熱血噴時局。嘔心殞此生。

孤貧諸子弟。銜感淚縱橫。
仙裔承元化。明詩達禮人。
政參同志會。婚結自由身。
幻化疑天女。共和隸國民。
德公失佳偶。歎逝獨傷神。

輓華吟梅女士

朱繩武

當年平地起風波。書上緹縈涕淚多。
今日波恬風亦靜。可堪一曲落梅歌。
誓竟扶持社會功。襟懷想見女英雄。
返魂倘有香堪爇。海外羅蘭拜下風。
自由花落泖之濱。難向情天問夙因。
我為龐公增一慟。鹿門偕隱更何人。

項母言夫人哀詞

張 謇 率直

瑟瑟秋風緊。寒芒掩女媀。項斯吾契友。痛賦悼亡篇。
哲嗣皆純孝。哀啟述母賢。賢哉有是母。懿行良足傳。
四歲悲失怙。境遇極困顛。度日藉鍼黹。勤苦誰為憐。
相夫修婦職。安貧禮無愆。慷慨丈夫志。遠出事懋遷。
家政資內助。營業心始專。言念母年老。迎養申江便。
事姑盡孝道。諸兒繞膝前。多男誠多累。家教尤井然。
孝思能錫類。猶子荷成全。近來境漸裕。儉樸如曩年。
節衣復節食。種德在心田。每念三黨苦。推解結慈緣。
為言仁者壽。愛日應長延。方期開五秩。萱堂敞華筵。

通用西人...
胡為偶抱恙。蓬島遽證仙。劬勞懷母氏。搶地復呼天。諸子盡英秀。德澤正綿綿。
會看瀧岡表。巍然列歐阡。

民國用酬應全書卷十三

詞

賀徐植夫新婚

調寄賀新郎

無錫鄒翰飛

麟角蜚聲早。抗英華前朝人物。雙丁兩到。曾讀君家玉臺序。豔絕齊梁名稿。除
庾信誰能同調。偌大官場進豪傑。笑淵明尚寄南窗傲。却又泛桃源棹。催粧
我乏新詩料。也不管鸞鳳噉舞。鴛鴦顛倒。但願陳蕃愛徐孺。醉飲山中多少。世
上事何須傷吊。壘塊蟠胸快澆酒。任悲歡離合催人老。我所許使君操。

賀陸潤瑜世兄合卺

調寄賀新郎

朱文炳 謙甫

又是新中國。看者番維新氣象。甫清南北。驀聽新聲歌雅頌。新展旌旗五色。道
是處新人成匹。共羨新郎如衛玠。喜新娘貌美稱雙璧。新伉儷逢今夕。一陽
剛應新時節。恰新過月明三五。夜深人寂。魚水新懽情倍好。新試馬蹄得得笑。
枕印新痕難拭。漫作嬌羞新婦態。念百年此際新相識。鸞鳳譜編新集。

新夢逢宵永。正相偎新綿錦被。鴛鴦交頸。能夢新占花睡熟。轉盼新孫志慶。看
世世新猷輝映。新代機雲誇輩出。更清標陸羽題新茗。賓客滿新泉敬。郎君

適用西
名字真新穎。恰符他鼎新事業。考工超乘。更似周郎新顧曲。大好小喬新聘。按
眉譜新臨妝鏡。喜得吳宮新眷屬。况隨園弟子多新詠。聽兩兩新腔整。
紅葉新題句。念何須冰人掌判。始符新娶。况此文明新世界。新法自由爭慕。更
滿口平權新語。敢道從新非正軌。新名詞究竟無憑據。但略採新儀注。新郎
跪拜都拋去。還祇恐家庭廟見。難諳新譜。不效鞠躬新典禮。也算翻新復古。却
仍是新民氣度。清獻宗風新不俗。總高他幾輩新忘故。宜報館新聞組。
酒熟新豐候。笑阿翁癡聾新學。何人所授。滿酌新醅歡竟夕。新看老妻妝就。正
兒婦新來介壽。新作姑章禁慣未。待羹湯三日新嘗口。老和少都成偶。如余
祇算新交友。記逢君狂傾新釀。黃花同瘦。兩度廣徵新樂府。曾詠新詩幾首。還
強我新詞胡湊。今為文郎新索句。盼他年更把新篇構。湯餅宴。須新有。

賀陸潤瑜世兄合卺即呈雲老

調寄齊天樂

徐公輔

伯臣

平原公子翩翩度。樂安雀屏中選。女貌花妍。郎才玉潤。佳偶紅絲早結。而翁猶
健。喜妝閣春濃。愛河冰泮。簫鼓聲中。競看雙美締姻眷。華堂今夕。盛會祝風
高梁孟。齊眉舉案。詩賦催妝。酒斟合卺。消盡長宵漏箭。良緣美滿。儘拋却遮羞。

桃花寶扇。蠟鳳輝騰。看洞房燦爛。

賀同社徐伯匡先生五十壽

調寄長壽樂

袁晉和錫侯

聯珠綴翠。祝嵩辰。信有斯文關繫。博士才高。廣文官冷。薄官難酬本意。奈乾坤變局。儘多長樂工諛媚。策高足。方謂已醒人醉。還說甚。霖雨蒼生廣被。懷彼美。勵節操。彭澤中條堪繼。晉念義熙。唐思天祐。汗濁何堪再試。看金門待詔。讓他才俊登高第。天和養。伯玉知非自喜。棲隱處。笑指山林城市。

祝同社徐伯匡先生五十壽

調寄長壽樂

袁昌和鳳鳴

珠璣翡翠。仰詞人咳唾。星辰同繫。敘述生平。游揚載道。雅稱廣文之意。羨高風亮節。昭昭官隱。非諧媚。江淮客。道德合羣。心醉海隅士。絃管謳思漸被。美人美。榛苓慕。城北丰標誰繼。鄉味純醞。幽居梅鶴。不復牛刀小試。况殺青傳世。盛名勝掇巍科第。今日箇。大衍懸弧志喜。歡讌處。剛值春燈過市。

壽徐伯匡先生五十

調寄壺中天

龐鴻書 幼庵

烟波深處。問釣徒若個孤吟。賞絕道是南州高士。齋瑩澈。心胸冰雪。笠澤漁簑。松陵詩卷。相伴閒年月。池塘草夢。惠連還又清發。聞說勾曲山中。華陽探古

洞曾逢真逸。丹訣駐顏。餐沆瀣。五十未生華髮。鶯囀迎春。鶴飛獻壽。喜值佳時節。臨風企祝。詠懷遙想。橫膝。

和吳東園六十自壽

調寄壽星明

舒昌森問梅

江北江南新締知交。臨風溯君。羨青羶設教。生徒濟濟。彩毫入夢。文質彬彬。窮亦何妨。老當益壯。定卜遐齡比大椿。誰能及。有梅蓮品格。鶴鹿精神。愧余孤陋無文。早歲月空過六十春。縱棲遲已久。尚為羈旅。生涯不改。仍在闕津。戀戀豬肝。悠悠馬齒。方悔當年學少親。知何日。許尊前晤對。一接音塵。

和顧迺琴先生六十自壽

調寄齊天樂

高 种

雲間門第爭推顧。此翁更饒才望。早歲橫經。英年獻藝。可惜秋風翫。成均貢上。慨嫁綠生涯。寒檀景況。萬里歸來。倦遊雖賦興猶壯。懸弧欣逢穀日。有吟朋道侶。眉介春釀。東魯驅車。西湖泛棹。清福盛名。兼享堪徵。壽相羨著作如林。定留天壤。腰脚尤輕。笑鄉人曳杖。

壽徐伯匡社兄五十初度

調寄慶春澤

高 种

一第緣慳。十年官冷。賦成歸去來今。大好田園。儘宜梅鶴安棲。軟紅曾踏。名心

淡且由他世局如棋。獨難忘桃李陰濃。裁徧淳溪。閉中歲月催人速。早遽賢自笑。已屆知非。四海吟朋。郵箋好句爭題。龍燈賽罷霞觴舉。繼元宵豪興重飛。醉鄉寬。蓬矢桑弧。素志休提。

祝沈母高太夫人七秩壽

調寄五福降中天

楊晟

古今冠絕兼三美。尋思幾人堪此詠。絮清才。挑文妙技。藐矣金閨韻事。修成福慧。便舉案能莊。折爰亦是。庭桂階蘭。歌筵戲綵。錯朱紫。夫人應比晉國。看升堂慶母。班列朝士。中饋米鹽。通家壺瓠。佳話喧傳閭里。鏘金夏玉。播滿縣絃歌。慈顏莞爾。人月雙圓。中秋佳日裏。

前題

調寄齊天樂

夏敬觀

綵萊舞罷沾衣袖。些些桂爐烟氣。碧澁停塵。金參應律。十笏海山。籠霽華池上。瑞有樂木齊粲。瓊霞泛茜。篇啟慈烏。藍田生玉。總難比。潘輿近來高致。繞階當不少。含飴懼事。花萼名編。篝燈舊紡。占得一門芳綺。徽榮象帔。笑燭影龍頭。春輝鳳尾。聽奏南陔。奉觴增茂祉。

隴西節母曹太夫人六旬壽誕祝詞

調寄上陽春

汝開澤

望此

適用西
最憐長吉。遽赴修文名。隻影竟何堪。誓泉下相從願了。更牽懷抱。藏腹有遺珠。
宜男兆人爭料。天意真存趙。孫慈子孝。今日風光好。回首侍翁姑。仗獨力周
旋婦道。艱辛歷盡。花甲恰欣逢。彩衣耀綺筵。開方博萱闈笑。



國家圖書館



002940431



線

856.6

844:4

7

v. 5

舊籍